

王旭高 著

王旭高臨證醫案



上海科學技術出版社

王旭高臨證醫案序

臨證醫案。非古也。古人視病。不立案語。但書方藥。自宋設醫學科。命題考試。醫生取其學問高等者。入太醫局。自後醫生診病。相沿先立案語。後書方藥。但隨作隨棄。無有輯之者。如宋之許知可。張季明。明之薛立齋。陳維宜。孫文垣。以及國初喻嘉言。徐大椿輩。雖有醫案。類皆因治療效驗。筆諸於書。其文乃記事。非臨證也。良以病多轉變。方難一定。恐泥學者眼目。故作者翫置之。然余謂醫之有方案。猶名法家之有例案。文章家之有試牘。對病書方。因題立義。相對斯須。人之性命係焉。己之得失亦係焉。雖不足爲根柢之學。而病者之情形。醫者之學識心思。盡在於是。苟能溯其脈證。觀其變化。奚啻與病者醫者一堂共語。不大可觸發手眼哉。故葉氏臨證指南。海內風行。然葉案語意高深。方多平淡。學者踐其迹。未必入其室。因葉負一時重名。所視者非富貴膏粱。卽病深氣竭。貧賤初病者。廖廖焉。蓋氣體不同。方法卽異。讀其書而得其用者。鮮矣。余舊得無錫王泰林旭高先生方案二卷。愛而藏之。以篇頁無多未梓。更求二十餘年不可得。客春游梁溪。訪老友劉君石香。石香出十卷示余云。新得於李氏者。亟假歸讀之。其心思之敏。見識之超。清華而不高深。靈變而有矩矱。視葉案易於學步。且覆診甚多。前後推究。考其得失。尤足以資助學者。因并余所藏者去其重複。合而選之。間有字句冗沓率意處。略爲刪整。依類編次。分二十六門。每門附以拙論。略見大意。其有精警與未愜意者。復隨案指出。正之有道。非敢有意毀譽也。原書十卷。約得五六。釐爲四卷。命兒輩錄出。不敢自私。付之梓人。以公同學焉。

光緒二十三年丁酉孟春耕霞方氏序於倚雲吟館

王旭高臨證醫案目錄

卷之一

溫邪門

暑邪門

伏暑門

瘧疾門

痢疾門

黃疸門

卷之二

中風門

肝風痰火門

虛勞門

吐血門

噤脹水腫門

卷之三

積聚門

脘腹痛門

噎隔反胃門

一

一二

二五

三四

四一

四九

五一

五六

六六

八二

九二

一〇五

一一五

一二三

三消門

一三一

痰飲門

一三四

痰喘門

一四六

卷之四

咳嗽門

一五三

疝氣門

一六〇

遺精淋濁門

一六三

瘰癧門

一六九

雜病門

一七〇

婦人門

一七三

產後門

一八〇

幼科門

一八五

外瘍門

一八七

王旭高臨證醫案卷一

無錫王旭高著

後學方仁淵耕霞參訂

姪履成 子應麟校刊

後學青田包元吉重校

溫邪門

某久患三瘧未愈。勞力更感風溫。而發時證。及今八日。壯熱煩躁。汗不能出。疹不能透。熱鬱蒸痰。神糊囁語。兩脇疼痛。難以轉側。胸悶氣粗。動則欲厥。所以然者。邪熱與痰傷混合。痰濁與氣血交阻。莫能分解。以致擾亂神明。漸有昏喘之險。

豆豉 五錢

蘇梗 一錢

鬱金 一錢

赤茯神 三錢

連喬 三錢

丹皮 錢半

當歸 三錢

杏仁 三錢

天竺黃 錢半

木通 一錢

狸絲 七分

菖蒲 五分

青葱

枇杷葉

淵按鬱金杏仁解氣鬱。當歸葱狸解血鬱。豆豉蘇梗從裏達表。尤宜佐黃芩鮮地等。以解熱鬱。否則熱不解。諸鬱亦不開。熱蒸痰阻。陷入胞絡易易。

宋濕溫過候。斑疹並見。心胸煩懊。神識模糊。脈數混混而不清。舌心苔乾而不膩。濕蘊化熱。熱漸化燥。氣粗短促。目赤耳聾。陰精下虧。風陽上亢。慮其內陷昏煙。擬生津透邪。兼芳香逐穢。

鮮斛

淡豆豉

竹茹

連喬

橘紅

赤苓

天竺黃

黑梔

菖蒲

鬱金

羚羊

陳膽星

牛黃清心丸 五分

加犀黃 三厘

又濕溫邪在太陰陽明。濕勝於熱。太陰爲多。熱勝於濕。陽明爲甚。日晡煩躁。陽明旺時也。口雖渴。苔仍白膩。乃濕蘊化熱。餘濕猶滯。氣火薰蒸。蒙蔽清竅。故斑疹雖透。而神識時糊。脈沉小而數疾。皆邪鬱不達之象。倘若熱甚風動變勁。便難措手。

半夏

赤苓

鮮斛

連喬

川連蜜汁炒

菖蒲

通草

豆豉

鬱金

益元散

竹茹

茅根

黑梔

淵按宜參涼膈散。緩緩通下。不致下後化燥內陷耳。蓋濕溫雖不可早下。而熱勝挾滯者。不下則熱邪挾滯不去。濕邪亦從熱化燥化火也。

又濕溫旬日。脈數較大於昨。熱勢較盛於前。所謂數則煩心。大爲病進。並非陰轉爲陽。自內達外之象。舌苔白厚。上罩微灰。面紅目赤。陽盛之徵。頭昏耳聾。陰虛之象。小溲窒塞。氣化不及也。當生津以徹熱。利竅以化濕。救陰不在腎。而在生胃津。去濕不可燥。而在通小便。蓋汗生於津。津充汗出而熱解。小腸爲心之府。小便通利。心火降而神清。

鈴羊角

赤苓

菖蒲

竹黃

澤瀉

益元散

知母

鮮斛

通草

竹葉

鮮薄荷根

另用珠子五分。血珀五分。爲末調服。

淵按名言儻論。勿草草讀過。

又濕熱鬱蒸。如煙如霧。神識沉迷。脈時躁時靜。靜則神倦若寐。躁則起坐如狂。邪內陷矣。雖便不通。而腹瀉不滯。腸胃不實。其糞必溏。未可驟攻下之。大凡溫邪時症。驗舌爲先。今尖苔白。上罩微靄。邪在營氣之交。葉氏云。邪乍入營。猶可透熱。仍轉氣分而解。如犀鈴元翹等是也。從此立方。參以芳香宣竅。

犀角

鈴羊角

鮮斛

竺黃

元參

連喬

益元散

赤苓

竹茹

至寶丹 一粒

又前方加鮮地瓜、萆仁、枳實

又舌黑而乾，濕已化燥，頻轉尿氣，脘腹按痛，邪聚陽明，腸胃已實，當商通腑，但小便自利，是虛也。正虛邪實，

津枯火熾，惟有瀉南補北，勉進黃龍湯法。

鮮地

人參

生軍

元參

元明粉

葛蒲

竺黃

連喬

竹葉

甘蔗汁代水煎藥

淵按：蔗汁生飲最妙，代水煎藥，不但膩膈，且失涼潤之性矣。

又下後舌黑稍退，而脈反洪大，神識仍昏，陽明火旺也。清陽明燔灼之火，救少陰瀝竭之陰，用景岳玉女煎。

鮮地

元參

鮮斛

知母

竺黃

麥冬

石膏

竹葉

蘆根

蔗汁一杯

又津回舌潤，固屬休徵，風動頭搖，仍爲忌。欵溫邪雖退，元氣大虛，虛風上擾不息，又防眩暈厥脫，今當扶正熄

風，參以生津和胃。

生洋參

鈎鈎

天麻

茯神

製半夏

石決明

秋米

陳皮

麥冬

竹茹

甘蔗皮

淵按：熱滯雖從下而鬆，肝家陰液早爲燥火所傷，故見證如此，遲下之累也。

胡素有肝胃病，適挾濕溫，七日汗解，八日復熱，舌灰唇焦，齒板口渴，欲得熱飲，右脈洪大數疾，左亦弦數，脘中

仍痛，經事適來，靜思其故，請明晰之。夫肝胃乃腹中一藏一府，木乘土則氣鬱而痛，若不挾邪，安得寒熱？即有寒

熱，斷無大熱，以此爲辨也。又詢大便堅硬而黑，是腸胃有實熱，所謂燥屎也。考胃氣痛門無燥屎症，惟瘀血痛門

有便血。然此症無發狂妄喜之狀。則斷乎非蓄血。此又一辨也。渴喜熱飲。疑其爲寒似矣。不知濕與熱合。熱處濕中。濕居熱外。必飲熱湯。而濕乃開。胸中乃快。與陰寒假熱不同。再合脈與唇。其屬濕溫挾積無疑。傷寒大白云。唇焦爲食積。此言諸書不載。可云高出前古。

豆豉

鬱金

延胡

山梔

香附

赤苓

連翹

竹茹

薑皮

外用葱頭十四個。鹽一杯。炒熱熨痛處。

按病本濕溫挾食。交候戰汗而解。少頃復熱爲一忌。汗出而脈躁疾者又一忌。適值經來。恐熱邪陷入血室。從此滋變亦一忌。故用豆豉以解肌。黑梔以清裏。一宣一泄。祛表裏之客邪。延胡索通血中氣滯。氣中血滯。兼治上下諸痛。鬱金苦泄。以散肝鬱。香附辛散。以利諸氣。二味合治婦人經脈之逆行。即可杜熱入血室之大患。瓜蔓通府。赤苓利濕。加竹茹。一以開胃氣之鬱。一以治上焦之煩。外用葱鹽熱熨。即古人摩按之法。相贊成功。淵按此雖有食積。亦不可下。以胸痞脘痛。渴喜熱飲。中焦濕飲鬱遏不開。寒熱錯雜。陽明之氣失於順降。若遽下之。輕則痞膈。重即結胸矣。同一濕溫夾滯。其不同有如此者。

又服藥後大便一次。色黑如栗者數枚。兼滯澹糞。脘痛大減。舌霉唇焦俱少退。原爲美事。惟脈數大者。變爲虛小無力。心中覺空。是邪減正虛之象。防神糊煙厥等變。今方九日。延過兩候乃吉。

香豉

青蒿

沙參

赤芍

川貝

鬱金

黑梔

竹茹

稻葉

金橘餅

淵按大便秘通而痛減。乃葱鹽按摩之功也。葱能通氣。鹹能順下。陽明之氣得通。胃氣自然下降。胃氣通降。大便無有不通者。夫便猶舟也。氣猶水也。水流順暢。舟無停滯之理。若但知苦寒攻下。不明中氣之逆順。是塞流以行舟耳。

素溫邪十二日。斑疹遍透。神識仍糊。大便屢行。齒垢未脫。舌尖紅。中心焦。陰津灼也。左脈大。右脈小。元氣弱也。昨投清泄芳開。是從邪面著筆。今診脈神萎頓。當從元氣推求。要知溫屬陽邪。始終務存津液。胃爲陽土。到底宜濟甘涼。所慮液涸動風。易生煙厥之變。胃虛氣逆。每致呃忒之虞耳。

羚羊角

沙參

生草

竹黃

菖蒲

鮮薑

犀角

元參

洋參

澤瀉

茯神

蘆根

蔗汁

另用礪珠粉三分。上血珀末三分。開水調服。

又昨用甘寒生津扶正。病勢無增無減。然小使得通。亦氣化津回之兆也。症交十三日。是謂過經。乃邪正勝負關頭。從此津液漸回。神氣漸清。便是邪退之機。從此而津液不回。神糊益甚。便是邪進之局。正勝邪則生。邪勝正則重。仍以生津救液。冀其應手。

羚羊

鮮斛

沙參

洋參

麥冬

澤瀉

赤苓

元參

蔗汁

蘆根

珠黃散

又加知母川貝

又甘寒清潤。固足生津。亦能滋濕。向之舌絳乾焦者。今轉白膩。口多白沫。是胃濁上泛也。小便由於氣化。濕滯中焦。氣機不暢。三焦失於輪化。故不饑不思納。小便不利也。法宜宣暢三焦。

豆卷

赤苓

猪苓

澤瀉

生苡仁

杏仁

通草

竹茹

陳皮

半夏

穀芽

血珀五分研末沖服

辨按帆隨湘轉。妙於轉環。脾腎陽氣素虛。陽邪一化。陰濕即來。在脈神痿頓時。早防之。庶免此日波變。然不料其變之如是速耳。古方大豆卷治筋攣濕痺。蘇地用麻黃湯浸。借以發汗。與此症總不相宜。

又痰熱畜於下焦。膀胱氣痺不化。少腹硬滿。小渡不利。下既不通。必反上逆。恐生喘呃之變。開上疏中。滲下。俾

得三焦宣暢。決瀆流通。

紫苑

杏仁

桔梗

川朴

陳皮

赤苓

猪苓

澤瀉

蘇梗

血珀

通草

又照方加參鬚五分煎湯調下血珀五分

外用田螺二枚。葱白一握。桃仁三錢。麝少許。麝香五釐。肉桂五分。合打爛燉溫。敷臍下關元穴。

又溫邪甫退。少腹板硬。膀胱氣化無權。昨議疏泄三焦。小便仍不暢。今少腹硬滿過臍。其大如盤。按之不痛。脈沉小。舌白膩。身無熱。口不渴。所謂上熱方除。中寒復起是也。夫膀胱與腎相表裏。膀胱氣化。賴腎中陽氣蒸騰。腎陽不足。膀胱水氣凝而為痕。須防犯胃冲心。呃厥等變。急急溫腎通陽泄水。猶恐莫及。

肉桂五苓散。送下金匱腎氣丸三錢。

淵按須此方解下焦之圍。再佐葱鹽按摩更妙。

又通陽泄水。與病相投。雖未大減。已奏小效。腹中覺冷。中陽衰弱顯然。照方加木香炮姜。

尤症交十二日。目赤耳聾。舌白煩渴。脈洪大而汗出。當辛涼以徹氣分之熱邪。甘涼以救肺胃之津液。

北沙參

麥冬

知母

竺黃

元參

生石膏

薄荷同打

滑石

竹葉

蘆根

又目張不語而神慧。與湯則嘔。身能轉側。舌苔灰白。脈形洪滑。並非邪閉心包。乃肝陽夾痰火阻塞清明之府。

勿再芳香開達。開則邪反內陷矣。慎之。

羚羊角

川貝

鬱金

茯苓

膽星

石決明

遠志

鮮斛

竹油

姜汁

北沙參

淵按清火息風。豁痰通竅。絲絲入扣。惟沙參可斟酌。以其補肺也。舌苔灰白。痰火徵兆。

又 目張不語多汗。脈大。陽盛陰虛。防其厥脫。急救其陰。希圖萬一。

生洋參

石決明

沙參

茯神

麥冬

川貝母

五味子

又 目已能闔。口已能言。但舌蹇而言謇。汗多稍收。脈大稍斂。似有一線生機。所嫌兩臂動強。恐其發瘧。擬存陰熄風法。

羚羊角

鮮地

生地

洋參

沙參

石決明

麥冬

鉤鉤

蔗汁

淵按幾乎類中。大抵平素肺腎陰氣不足。肝陽有餘。年過四十者。每有是證。

華 溫邪入日。神識模糊。斑色紅紫。脘腹拒按。結熱旁流。舌紅乾燥。目赤唇焦。而又膚冷汗出。脈伏如無。邪熱內閉。陰津外泄。頗有內閉外脫之慮。勉進黃龍湯法。

大生地

參鬚

生軍

枳實

連翹

天竺黃

元參

菖蒲

鮮斛

淵按膚冷汗出。脈伏。非虛象。乃閉象也。從斑色紅紫上看出。參鬚可斟酌。

某 久病。元氣未復。又感濕溫。已逾旬日。解表疏中。通下之藥。皆已服過。現脈仍數。舌白膩。頭汗多。身熱不解。咳嗽不揚。小溲不爽。且以分泄三焦。再看轉機。

豆卷

杏仁

赤苓

腹皮

川朴

桔梗

薑皮

蘇梗

澤瀉

滑石

通草

高 舌白口渴咽痛。濕溫化熱。症方四日。年高正虛。勢防戰汗。冀其無變為佳。

薄荷

桔梗

射干

滑石

牛蒡子

橘紅

杏仁

枳殼

蔻仁

蘆根

八

又溫邪挾積化燥。昨服藥後。戰汗不透。大熱雖減。裏熱仍熾。舌霉邊白。脈形不顯。高年恐其內陷。

大力子

香豉

鮮斛

連翹

黑梔

薄荷根

滑石

枳實

又胸脘板痛拒按。此屬結胸。舌心燥邊白。此挾痰水挾氣積症。交七日溫邪內伏。將燥未燥。將陷未陷。昨午投生津達邪一劑。今結胸症已具。勢不容緩。再進小陷胸法。

川連

半夏

枳實

薑仁

香豉

黑梔

淵按仲景小陷胸。以枳實佐川連。瓜蒌佐半夏。苦泄辛潤。開中焦之痞。以化痰水熱邪。方名陷胸。與諸篇心湯出入。並非下劑。今人以薑枳爲通府之藥。殊屬可笑。
顧溫邪得食則復。舌尖焦黃而乾。邊苔白膩。心胸痞悶。此挾積挾氣挾痰挾水。大便已十二日不通。其勢不得不下。

半夏

茯苓

澤瀉

川連

枳實

川朴

薑仁

大黃

元明粉

楊胸悶頭痛。寒熱往來。邪在少陽。有汗熱不解。是傷於風也。舌薄白。邊色乾紅。陰虧之體。邪未外達。而津液暗傷。漸有化燥之象。症交七日。中脘拒按。似欲大便而不得出。少陽之邪。傳及陽明。胃家將燥實矣。防其詘語。擬少陽陽明兩解法。

柴胡

淡芩

半夏

枳實

甘草

香豉

黑梔

薑仁

桔梗

滾痰丸 錢半

淵按從大柴胡陷胸變化。不用大黃黃連。以陰虧液傷拒按。在中脘不在大腹也。借滾痰丸以微通之。心竅

手敏

又得汗得便。邪有鬆機。是以胸悶心跳煩躁等症悉除。而頭痛略減也。雖自覺虛餒。未便多進穀食。亦未可就進補劑。但和其胃。化其邪可耳。

香鼓

豆卷

半夏

川貝

赤苓

陳皮

鬱金

川斛

通草

竹茹

又用和胃化邪法。一劑頗安。二劑反劇。良以畏虛多進穀食。留戀其邪。不能宣化。鬱於心胸之間。濕蘊生痰。熱蒸灼液。煩躁惡心錯語。兩手寸關脈細滑數。兩尺少神。舌邊乾紅。心苦黃膩。皆將燥未燥。將陷未陷之象。擬導赤瀉心各半法。生津化濁和胃清心。

犀角

川連

鮮斛

枳實

半夏

赤苓

連喬

黑梔

橘紅

生甘草

通草

鬱金

竹茹

蘆根

萬氏牛黃清心丸五分

端按陽明痰熱未清。遽進穀食。致有下文。如是大變。宜仿仲景食復法。佐大黃以微下之。又症交十三日。身熱不揚。神昏舌短。苔霉。邪入膈中。閉而不達。急急清泄芳開。希冀轉機。

犀角

連喬

枳實

竺黃

蘆根

葛蒲

黑膏

牛蒡

元參

薄荷根

鬱金

鮮斛

紫雪丹五分另調服

元參

又神情呼喚稍清。語仍不出。邪欲達不達。胸脇紅點稍現。跡稀不顯。斑欲透而不透。口臭便秘。時覺矢氣。陽明燥實復聚。舌短心焦邊絳。膈中之火方熾。芳開清泄之中。參以生津蕩實。

前方加

沙參

細生地

磨大黃

又口臭噴人。胃火極盛。斑疹雖見。透而未足。目赤神糊。脈洪口渴。急急化斑爲要。古法化斑。以白虎爲主。今仍參以犀地清營解毒。再複存陰玉女煎。

犀角

黑膏

麥冬

竹黃

大生地

知母

沙參

洋參

菖蒲

人中黃

蘆根

石膏薄荷打

淵按前方未知下否。若未通可再下之。所謂急下以存陰也。有犀地白虎清營救液見證。有實無虛。不妨放膽。

又目能識人。舌能出口。症漸有生機。當大劑存陰。冀其津回乃吉。

大生地

鮮石斛

麥冬

洋參

元參

生甘草

鮮生地

石筴

犀角

沙參

蔗汁

又黑苔剝落。舌質深紅。陰津大傷。燥火未退。左脈細小。右脈洪大。是其徵也。際此陰傷火旺。少陰不足。陽明有餘。惟景岳玉女煎最合。一面存陰。一面瀉火。守過三候。其陰當復。

鮮生地

生石膏

元參

洋參

大生地

黑山梔

生甘草

知母

沙參

連翹

蘆根

淵按右脈洪大。陽明熱結夾滯。顯然。

又頻轉尿氣。咽喉乾燥。燥則語不出聲。此陽明火勢薰蒸。津不上承。重救其陰。兼通其腑。再商。

大生地

鮮生地

麥冬

生軍

海參

北沙參

生甘草

元參

元明粉

又淵按從前欠下。尙是實熱見象。海參嫌膩膈。下後液未回。急當養陰醒胃。

生洋參

茯苓

橘紅

麥冬

蔗皮

大生地

石斛

沙參

元參

穀芽

又耳聾無聞。舌乾難掉。陰津大傷。用復脈法。

大生地

麥冬

元參

洋參

阿膠

分拌炒

生甘草

雞子黃

又疊進滋陰大劑。生津則有餘。瀉火則不足。今交三候。齒垢退而復起。神識已清。非陰之不復。乃燥火未清耳。

今當法取輕靈。

洋參

枳殼

川貝

橘紅

赤苓

棗仁

猪膽汁炒

川連

雪羹湯煎

又諸恙向安。每啜稀粥。必汗沾濡。非虛也。乃津液復。而營氣敷布週流也。小溲瀉痛。餘火未清。惟宜清化。

冬瓜子

鮮石斛

通草

黑梔

生穀芽

甜杏仁

甘草梢

又病退。日間安靜。至夜發熱神昏。乃餘熱留於營分也。小溲熱痛。心火下趨小腸。仿病後遺熱例。用百合知母

滑石湯合導赤散。

木通

草梢

竹葉

知母

鮮生地

滑石

百合

泉水煎服

范陰虛挾濕之體。感受時令風溫。初起背微惡寒。頭略脹痛。欲欬不爽。發熱不揚。舌白膩。大便秘。峻投消散。暗劫胃津。以至饑不欲食。嗜臥神糊。呃忒斷連。斑疹隱約。症方八日。勢涉危機。閱周先生方。詢盡美善。僭加甘草一

味以和之。具生津補中之力。未始非贊襄之一助也。若云甘能滋濕。甘能滿中。孰不知之。須知苔薄光滑。胸不滿而知飢。乃無形濕熱。已有中虛之象。此葉氏所以深戒苦辛消尅之劑。幸知者察焉。

牛蒡子

前胡

橘紅

竹黃

鬱金

刀豆子

桔梗

神麴

菖蒲

連喬

薄荷葉

竹茹

甘草

枇杷葉

淵按此痰呃也。中虛挾痰。胃氣通降不順所致。

又 症逾旬日。係溫邪挾濕。病在氣營之交。苔白膩而邊紅。疹點透而不爽。寐則詘語。寤則神清。呃聲徐而未除。

脈象軟而小數。周先生清營洩衛。理氣化濁。恰如其分。

鈴羊角

連喬

竹黃

川連

橘紅

牛蒡子

半夏

丁香

柿蒂

竹茹

薄荷根

通草

茅根

淵按寐昏寤明。痰火阻塞上中焦顯然。方較上首好。

又 熱處濕中。神蒙嗜臥。呼之則清。語言了了。舌白膩。脈軟數。知非邪陷膈中。乃濕熱深漫於上焦。肺氣失宣布

耳。呃尚未除。胃濁未化。擬從肺胃立法。

射干

杏仁

鬱金

橘紅

代赭石

川貝

沙參

桔梗

通草

旋覆花

茅根

冬瓜子

淵按開肺降胃。更爲得旨。所以呃除神清。

又 呃除。苔稍化。欲效不揚。仍從前法加減。

前方去

代赭石

加蛤殼

赤苓

又 去旋覆花 射干 桔梗 加豆卷

又 便泄數次。粘膩垢污。胃濁以下行爲順。故連日沉迷嗜臥。昨宵便惺惺少寐。且屢起更衣。愈覺神煩倦乏耳。今便泄未止。舌苔仍白。身熱已和。酒客中虛濕勝。擬和中化濁。做子和甘露飲。

生洋參 於朮 赤苓 澤瀉 滑石 雞距子

廣藿 木香 葛花 橘紅 通草 竹茹

淵按痰從便去。熱亦隨之。中焦之濁清。上焦之熱亦降。故諸恙若失。轉惺惺少寐耳。然苔未化。餘濕未清。脾胃轉運未復也。不可早補。又 病已退。濕未楚。前方加減。

前方加 參鬚 於朮 神麴 穀芽

孫 溫邪襲肺。肺失清肅。濕挾熱而生痰。火載氣而逆上。喘患痰嘶。舌乾口膩。昨日之脈。據云弦硬。現診脈象小而濡數。陰津暗傷。元氣漸毀。頗有喘汗厥脫之慮。夫溫邪爲病。隸乎手經肺胃。位高治宜清肅。痰隨氣湧。化痰以降氣爲先。氣因火逆。降氣以清肅爲要。姑擬一方。備候高明酌奪。

鮮石斛 射干 杏仁 象貝 沙參

蘇子 桑皮 沉香 蘆根 竹油 沖服

冬瓜子 枇杷葉 姜汁

淵按議論明晰。最宜學步。方中沉香易黃芩則善矣。蓋熱化肺清。不患不降。凡諸清肺藥。皆能降氣。沉香屬木。降肝不降肺耳。

黃 舌乾而絳。齒燥唇焦。痰氣喘粗。脈象細數。無形邪熱。薰蒸於膈中。有形痰濁。阻塞於肺胃。而又津枯液燥。正氣內虧。恐有厥脫之變。擬化痰滌熱治其標。扶正生津救其本。必得痰喘平。神氣清。庶幾可圖。